

# Tapkuat Maligaliyit Kivgaqtit Katimayit Nunavutmi

**Maligait tapkununga  
Kiinauyaqtaqaqtitat Ihuinarniqmun  
Takutqikhaqunit**



2015



## MALIGALIGIYIT KIVGAQTIT KATIMAYIT NUNAVUTMI

Titigaqaqvia 125, Uqhuqtuuq, Nunavut. XOB-1Jo  
(867) 360-4600 Hivayauta (867) 360-6112 Fax-kut

### Malgait tapkununga LSB-kut Kiinauyaqaqtitat Ihuinarniqmun Takutqikhaqunit

#### 1. Maligaqnut Uqauhiit

- 1.1 Una maligaq piniaqhimayuq piquaqtitninit tahapkuat tiguyauhimayut ihuinarniqmun ihuinarniqmik piqatigiplugit apiqhuqtauniqmingnut hapunniaqtit naamaktumik hatqiumayumiklu pityuhiqmik tapkununga tukhigaqtunut kiinauyaqtaqhait takutqikhaqtauninut tiguyautyutat. Tamna tukhigaut pilaqtuq piplugu naunaiqnia pihimayanga, tamna hivitunia itiqtaunikha, ilia Piquyanut Pilagutit pityutit kiugiaqniauniit takutqikhaqtaunia piyat Pipkaqtitinahuat.

Tapkuat Maligaligiyyit Kivgaqtit Katimayit (tapkuat “LSB-kut”) piquaqtitiyut ikayutinik ilaitnut ihuinarniqmun takutqikhaqtaunit pilaqtunut kivgaqtugauyunut tapkununga tamna takutqikhaqtaunia nauniaqtaukpat pihimania “qanigutaulaq” piquaqatlu pinia “akilagunaqhina.”

#### 2. Unniqtuutit

“Qanigutaulaq” tukilik pihimania, atuqhugit atuqtut hatqilatluniit maligaliqutinut pitquhit, angipyaktumik ihuilguq atuqtaunianut

maligaq tamnalu/tamnaluniit apiqhuiniqmun pityuhiq ilautitlugu maligauyut naunaipkutaayunut, Piquyani Pilagutit, taimaipyaktutlu pityutit pipkailat angipyaktumik ahiangugutaunit qanugitnianut apiqhuiyuni. Akilagunaqhilguqat tamna pityutaayuq pingitnia “qanigutaulaq”.

“Akilagunaqhiyuq” piqaqnia ihumagiyaunia akilagunaqhinia takutqikhagutaunia pikpat, atulilaqnit tapkuat takutqikhaqtitiyup ihumagiyani taphuma hapunniyaqtip, tapkuat Apiqhuiyit Takutqikhagutaunianut ihumagiyainut.

### **3.0 Tukhigaut**

3.1 Pikpat, kinguagut naunaiqtaunia pihimayanga, naliak tamna kivgaqtugauyuq apiqhuiyuniluniit hapunniyaqti ihumayanga tamna ihuinarniqmun takutqikhagaunia naunaiyaqtauyukhaunia, tukhigautiliulat tapkununga LSB-kut akiliqnit tapkuat akitunit takutqikhagaunianut.

3.2 Tapkuat LSB-kut tiliuqtat tamna pilaguta ihumaliuqnia naliaknut kiinauyaqaqtingitnialuniit tamna takutqikhagaunia taphumunga Ataniyuq Ataniuyuni Havaktimun.

3.3 Tamna Ataniyuq Ataniuyuni Havakti ihumaliuqniaq piplugu atugahuaqunit tamna Ihuinarniqmun Takutqikhagauni Katimayigalaat (“CAC-kut”) tapkuat atuqpakniqhat ilautitlugit tamna ataniyuq ihuinarniqmun hapunnaitini tapkununga atuni LSB-kut nunaliit avikhimanini havakvit, tikkuaqtauyuquqlu taphumunga Ataniyuq Ataniuyuni Havaktimin. Tamna Ataniyuq Ataniuyuni Havakti tautuktiyuq ilauyuq tapkunani CAC-kut ilaungittuquqlu uuktugauhiurniqmun atugahuaquyayunik.

3.4 Apiqhuiyuni hapunniyaqti piqaqtitiniaq maligaliginiqmun ihumagiyauya taphuma CAC-kut kangiqhityutiginia tamna takutqikhagaunia,

ihumagiyamini, piyuq “qanigutaulaq” tamnalu pilguqnia takutqikhaquiyup “akimalaquqnia” ihumagiyaunianik.

- 3.5 Tapkuat CAC-kut tukhigalat apiqhuiyuni hapunniaqtimin ayyikkuta tamna apiqhuiniqmun titigaqtaunit, naunaiqtaunia, ihumaliugutaunia pitquyaunialuniit takutqikhaquyauyup akigaqtuqhugu, ayyikkuta tamna pityutauyut naunaiqtauninut, ihumaliugutaunia pitquyaunialuniit, kitutliqakluniit ahii titiqat piyaqaqnigaqtauyut hannaiyainiqmun atugahuaquyauninut. Kiinauyaqaqtitnit akiliqtuqninut piqatai akitunit taimaittunut titiqat piqaqtitauniat tapkunanga LSB-kut.
- 3.6 Ihumagiqahiutini tamaita piqaqtitauyut, tapkuat CAC-kut atugahuaquiniat taphumunga Ataniuyuq Ataniuyuni Havakti naliaknut piniangittakha naamaginit takutqikhaquyaunig naamagiakha uuktugutaunia qanugitaulagiakha akilagahugiyaunialu taimattauqlu naliaknut pingittangaluniit takutqikhagaunia kiinauyaqaqtaqtauniagiakha tapkunanga LSB-kut. Angiqtauhimanianik pihimaitkaluaqnianut, atugahuaqunia piyaunit amihuniqhanit tapkuat CAC-kut taphumunga Ataniuyuq Ataniuyuni Havakti piqaqtitauniaq puqtuniqpamun hapuhimanikhanut.
- 3.7 Tamna atugahuaquyaunia tapkuat CAC-kut hugiaqtauniaq tamna pityuta piplugu atuqtauvaktut hapunniaqtimin kivgaqtugauyuqlu piplugu ihumagiqahiutinia akilagahugiyaunianik akitunitlu tapkuat pityuhit piplugu tamna nigiyugiyaunia luusiqnia.
- 3.8 Tamna Ataniuyuq Ataniuyuni Havakti uqautiniaqta apiqhuiyuni hapunniaqti, tukhigaqtuqluniit pivalugianganit inminut pityutauyumik tapkununga katimayigalaanut, titiqatigut naliaknut takutqikhagaunia kiinauyaqaqtaqtauniagiakha kiinauyaqaqtitnialuniit tamna takutqikhagaunia qipiluktauyakhanik.
- 3.9 Malikhugit tapkuat maligait, hapuhimanahuaq qipiluktauhimayuq kiinauyakhanik ihuinarniqmun takutqikhagaunianut tukhigalaaq aulatyutinut takutqikhagaunianik taphumunga Ataniuyuq Ataniuyuni

Havaktip ihumaliugutanut piqaqtitiluni titigaqhimayumik tuhaqhityut tapkununga LSB-kut atuqlugit naliat tamna Ataniyyuq Ataniyyuni Havakti tamnaluniit Ikhivautalik Katimayinut. Tamna Ikhivautalik tamnaluniit Ataniyyuq Ataniyyuni Havakti piyalik qilamik tuninia tamna pityut tapkununga Ataniyyunut Katimayigalaat tapkununga LSB-kut.

3.10 Pititlugit tapkuat Ataniyyunut Katimayigalaat tapkununga LSB-kut naunailaqtat naunaittiaqlugulu tamna ihumaliugut taphumunga Ataniyyuq Ataniyyuni Havakti, tamna aulatyutinut takutqikhagaunia atuqhugu una nakataani titiqatigungitlaknia naunaiyaut pilagutaittuqlu takutqikhagaunia naalakvikmin pinguqtaungittuq. Tapkuat Ataniyyunut Katimayigalaat tapkununga Katimayit piyalgit piqaqtiniq tamaitnik hunanik tugangayut taphumunga Ihuinarniqmun Takutqikhagauniaqmun naunaiyaqtakhat ihumaliugutitlu.

3.11 Tamna Ataniyyuq Ataniyyuni Havakti nigualaittuq taphumunga takutqikhagauniqmun ihumaliugutiminut pityuhini tapkuat Ataniyyunut Katimayigalaat.

3.12 Tamna Ataniyyuq Ataniyyuni Havakti tuhaqhittaqaqta tamna tukhigaqtuq taphumunga ihumaliugutanik tapkuat Ataniyyunut Katimayigalaat titiqatigut atuliqpiallugitlu ihumaliugutat.

3.13 Piplugit tapkuat ilitquhit taphuma ihumaliugut, kiklilittauta pivikhat piyaqaqniat tunihiniqmun taphumunga takutqikhagutauniqmun qangiqtitnagu 30 tamnaluniit 60 uplut ihumaliugutaunianut. Tapkuat CAC-kut naunaiqpialaitat pilaqnikhait naamaktumik piyauniat atuttiaqnia takutqikhagaunia atugahuaquinitlu akiliqtauninut taphumunga Ataniyyuq Ataniyyuni Havakti hivuani taphuma kiklilitvikhata pivikhanut.

3.14 Atuqpiyaqtitninik ilikkut takutqikhaqiyut pingittailininut uqautyaunit apiqhuiniqmun hapunniyaqtimin piplugu, piyumakpata

takutqikhagauniq, tamna tunihiyalik itiqtauhimayumun kivgaqtugaungittumutluniit tuhaqhit takutqikhagaunikhamut tapkununga Nunavut Apiqhuiyini Apiqhuiyinu hivuani taphuma kikkilivikhata taphuma takutqikhagaunianut pivikhata.

- 3.15 Piyaganga apiqhuiniqmun hapunniaqti atugahuaquikpat takutqikhagauniqmik tapkununga CAC-kut, tamnaluniit takutqikhaquilaqtuq hanmikpat taiguarniqmun titigarniqmutluniit ayikkutapyainikluniit ayuqnagutinu, tapkuat LSB-kut ikayugahualat iniqtiqninu taphuma itiqtauhimayup inminikluniit kivgaqtuiyumik tuhaqhit takutqikhagauniqmik. Taimaittuq ikayugut piniaqtugiqpiangittuq ihumaliugutauniaqlu taphumanga Ataniuyuq Ataniuyuni Havakti, atuqluniuk inminik kihimik ihumaqhuguta, pilugit atuni pityutauyut piplugit.
- 3.16 Hulivalliq ikayuqnianut tukhigalakhat iniqtiqninu tapkuat itiqtauhimayut inmingniklunit kivgaqtuqtut tuhaqhityutit takutqikhagauniqmun, tapkuat LSB-kut piqaqtitiniat naunaipkutmik atuqtauhimaniyanik titigaqvikhamik, tuhaumatyutikhanut piplugu kihimiuyuq, tamna itiqtauhimayuq inminikluniit kivgaqtuiyuq takutqikhaquiyuq naunaiyailartuq piyumagumi. Una titigaqvik piyaulaq tamaitni atuqtauyalikni uqauhiqni Nunavutmi.
- 3.17 Tamaita takutqikhaquiyut uqautiyauyut taphumanga apiqhuiyuni hapunniaqtigiyamingnit taphuminga 1) tamna atuqnilik kikkilittauta pivikhat ihumagiyaunianut, 2) tamna havagiyanga taphuma takutqikhaquilaqtup iniqtiqninik tuninilu tamna tuhaumatyut takutqikhagauniqmun apiqhuiyini malikhugit tapkuat kikkilittautikhait pivikha, tamnalu 3) tukhigagiami maligaliqutinu ikayutmik tamna piyukhaq piyumakpat pipkaqnia maligaliqutinu ikayut kivgaqtuinia takutqikhagauyumun.

